

Visoki predstavnik se sastao sa predsjednikom SRJ Vojislavom Kostunicom

Visoki predstavnik Wolfgang Petritsch se danas u Beogradu sastao sa novim predsjednikom Jugoslavije Vojislavom Kostunicom kako bi razgovarao o budućem doprinosu Jugoslavije implementaciji Daytonskog mirovnog sporazuma.

Tokom razgovora o širokom spektru tema, visoki predstavnik je čestitao predsjedniku Kostunici na njegovoj pobjedi na izborima i naglasio važnost uloge Jugoslavije kao potpisnice Daytonskog sporazuma. Visoki predstavnik je izrazio nadu da će promjene u Jugoslaviji imati pozitivan uticaj na mirovni proces u Bosni i Hercegovini, kao što je bio slučaj sa Hrvatskom početkom ove godine. Visoki predstavnik je informisao predsjednika Kostunicu o naporima vezanim za tri strateška prioriteta u BiH – povratak izbjeglica, ekonomska reforma i izgradnja države – i rekao da je razvoj međunarodnih odnosa Jugoslavije i BiH od sustinske važnosti.

Visoki predstavnik je također pomenuo i pitanje sukcesije i zamolio predsjednika Kostunicu da obnovi pregovore koji su bili prekinuti za vrijeme mandata bivšeg predsjednika Jugoslavije Slobodana Miloševića. Predsjednik Kostunica je potvrdio da je to jedno od pitanja koje se nalazi u njegovom planu aktivnosti.

Predsjednik Kostunica je potvrdio svoje postivanje Daytonskog mirovnog sporazuma i suvereniteta BiH, što je visoki predstavnik pozdravio, izrazivši nadu u skorije razgovore između BiH i Jugoslavije. Dogovoreno je da će ostati u kontaktu i raditi zajedno na pitanjima od važnosti za BiH.

Visoki predstavnik je u Beogradu također imao konstruktivne razgovore sa visim zvaničnicima Demokratske opozicije Srbije (DOS): predsjednikom Demokratske partije i glavnim koordinatorom DOS-a Zoranom Djindjićem, predsjednikom Socijaldemokratske unije Zarkom Koracem i predsjednikom Socijaldemokratske stranke Vukom Obradovićem. Visoki predstavnik se također planira sastati sa Milanom Protićem, novim gradonačelnikom Beograda.